

ИККИНЧИ БЎЛИМ

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРИ

312 Фуқаролик жамияти шаклланишини мониторинг қилиш мустақил институтини қўллаб-қувватлаш чора-тадбирлари тўғрисида

[Кўчирма]

Фуқаролик жамияти асосларини шакллантириш жараёнларини тизимли мониторинг қилиш, мамлакатни демократик янгилаш ва модернизациялашда, фуқароларнинг сиёсий маданияти, ҳуқуқий онги, ижтимоий-сиёсий фаоллигини оширишда, шунингдек демократик ислохотларни янада чуқурлаштириш ва фуқаролик жамиятини шакллантириш Концепциясида белгиланган вазифаларнинг изчил амалга оширилишини таъминлашда фуқаролик институтларининг ролини кучайтириш мақсадида:

1. Фуқаролик жамиятини ўрганиш институти таъсисчилари Кенгашининг:

Фуқаролик жамиятини ўрганиш институтини — Фуқаролик жамияти шаклланишини мониторинг қилиш мустақил институти этиб (бундан кейин — ФЖШМҚМИ);

Фуқаролик жамиятини ўрганиш институтининг минтақавий (вилоят, шаҳар) ахборот-таҳлил марказларини — ФЖШМҚМИнинг ҳудудий бўлинмалари этиб қайта ташкил қилиш тўғрисидаги таклифлари қўллаб-қувватлансин.

Умумий штат бирлиги 294 ходимдан иборат бўлган ФЖШМҚМИнинг ташкилий тузилмаси ҳамда унинг минтақавий бўлинмаларига оид намунали тузилма 1 ва 2-иловаларга* мувофиқ маъқуллансин.

Фуқаролик жамияти шаклланишини мониторинг қилиш мустақил институти Фуқаролик жамиятини ўрганиш институтининг шартномалари ва мажбуриятлари бўйича ҳуқуқий ворис эканлиги белгилаб қўйилсин.

2. Ўзбекистон Республикаси Президентининг 2003 йил 27 июндаги «Фуқаролик жамиятини ўрганиш институтини давлат томонидан қўллаб-қувватлаш тўғрисида»ги Ф-1796-сонли фармойишида белгиланган вазифалар билан бир қаторда ФЖШМҚМИ фаолиятида қуйидагилар муҳим ўрин эгаллаши белгилаб қўйилсин:

мамлакатда кечаётган ижтимоий-сиёсий, социал-иқтисодий жараёнлар-

* 1-2-иловалар рус тилидаги матнда берилган.

ни, фуқароларнинг сиёсий маданияти ва ҳуқуқий онги юксалиб боришини, очиқ демократик давлат қурилиши, «кучли давлатдан кучли фуқаролик жамияти сари» тамойили амалга оширилишининг муҳим шарти сифатида ҳар томонлама таҳлил қилиш ва баҳолаш;

мамлакатни тадрижий, босқичма-босқич ислоҳ қилиш ва модернизациялаш истиқболларини тизимли ўрганиш, аҳолининг турли қатлам ва гуруҳлари манфаатларини ифода этадиган демократик фуқаролик институтларини янада ривожлантириш, демократик ўзгаришларни чуқурлаштириш, жамиятда миллатлараро ва динлараро тотувликни мустаҳкамлаш, фуқароларнинг ижтимоий-сиёсий фаоллигини ошириш жараёнларида мазкур институтларнинг роли ва аҳамиятини кучайтириш бўйича таклифлар ишлаб чиқиш;

инсон ҳуқуқларини ҳимоя қилиш, сайлаш эркинлиги, сўз ва ахборот эркинлиги, мамлакатда олиб борилаётган ислохотларнинг очиқлигини таъминлашда фуқаролик институтлари родини ошириш, шунингдек нодавлат нотижорат ташкилотлари ҳамда давлат ҳокимияти ва бошқаруви органларининг таълим ва соғлиқни сақлаш, ҳимояга муҳтож аҳоли қатламини ижтимоий муҳофаза қилиш, атроф-муҳитни асраш ва бошқа шу кабилар соҳалардаги муҳим давлат дастурларини амалга оширишдаги самарали ижтимоий ҳамкорлигини, ўзаро алоқаларини мустаҳкамлаш;

ўсиб келаётган ёш авлоднинг баркамол ривожланишига, мустақил фикрлайдиган, жамиятимиз ҳаётида муносиб ўрин эгаллайдиган, мамлакатни янгилаш ва ислоҳ қилишда ҳақиқий ҳал қилувчи куч ва таянч бўладиган, ўз ҳаётий позицияси ва мустаҳкам эътиқодига эга ёшларни тарбиялашга қаратилган давлат ва жамоат ташкилотларининг фаолияти самарадорлигини тизимли таҳлил қилиб бориш;

мамлакатда рақобатдош кўп партияли тизимни янада ривожлантириш, фуқаролик жамияти институтлари, фуқароларни ўзини ўзи бошқариш органларининг давлат бошқарувидаги родини босқичма босқич кучайтириб бориш, ижтимоий, бозор, суд-ҳуқуқ ислохотларини амалга ошириш, давлат ва ҳокимият тузилмаларининг фаолияти устидан жамоат назоратини олиб бориш, маҳаллани аҳолини манзилли ижтимоий қўллаб-қувватлаш, хусусий тадбиркорлик ва оилавий бизнесни ривожлантириш марказига айлантириш жараёнларида фаол иштирок этиш;

фуқаролик жамияти шаклланиши, унинг институтлари мустаҳкамланиши ва ривожланиши, ҳуқуқий демократик давлат қурилиши соҳасида тараққий этган демократик мамлакатларнинг тажрибасини чуқур ўрганиш, умумлаштириш ва улардан фойдаланиш бўйича таклифлар тайёрлаш.

Белгилаб қўйилсинки, ФЖШМҚМИнинг ҳудудий бўлинмалари Институт олдида турган умумий мақсад ва вазифалардан келиб чиқиб, тегишли ҳудудларда ижтимоий-сиёсий вазиятнинг ривожланишига оид мониторинг материалларини тизимли равишда умумлаштиради, демократик ислохотларни чуқурлаштириш, фуқаролик жамиятини шакллантириш жараёнларига тўсиқ бўлаётган, шу жумладан бюрократизм, коррупция, расмиятчилик, давлат ва жамият томонидан олиб борилаётган ислохотлар моҳияти ва маз-

мунини тушунмаслик каби аниқланган муаммоларни таҳлил қилади ва ушбу материалларни Институтга тақдим этади.

3. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари:

ФЖШМҚМИнинг ҳудудий бўлимлари ўз зиммасига юклатилган вази-фаларни самарали бажариши учун зарур бўлган ташкилий, моддий-техни-кавий шарт-шароитлар яратишни энг муҳим вазифа деб ҳисобласин;

бир ой муддат ичида ФЖШМҚМИнинг ҳудудий бўлимлари зарур таш-килий техника, мебеллар, алоқа воситалари билан жиҳозланган алоҳида шинам бинога муддатсиз бепул ижарага бериш шarti билан жойлаштири-лишини таъминласин, ажратилган бинолар ва хоналарда капитал, жорий таъмирлаш ишларининг ўз вақтида амалга оширилишини ташкил этсин.

ФЖШМҚМИ ва унинг ҳудудий бўлимлари моддий-техника базасини мустаҳкамлаш бўйича биринчи галдаги тадбирлар рўйхати 3-иловага* муво-фиқ тасдиқлансин.

4. ФЖШМҚМИ мажбурий жўнатмалар реестрига киритилсин:

Ўзбекистон Республикаси Давлат статистика қўмитаси, молия, иқтисо-диёт, меҳнат ва аҳолини ижтимоий муҳофаза қилиш вазирликлари ҳамда бошқа вазирликлар ва идораларнинг статистик маълумотлари;

Ўзбекистон алоқа ва ахборотлаштириш агентлигининг оммавий комму-никация соҳасини мониторинг қилиш марказининг бюллетенлари ва кунда-лик маълумотлари тўплами;

Ўзбекистон Республикаси Президенти девонининг Ижтимоий-иқтисо-дий сиёсатни мувофиқлаштириш хизмати ҳузуридаги Иқтисодий тадқиқот-лар марказининг хорижий матбуот шарҳлари ва таҳлилий маълумотнома-лари.

5. Ўзбекистон матбуот ва ахборот агентлиги, «Шарқ» нашриёт-матбаа акциядорлик компанияси икки нусхадан «Ўзбекистон Республикаси қонун-лари тўплами» ва даврий нашрлар билан ҳамда Институтнинг самарали фаолияти учун зарур китоб маҳсулотлари (ҳуқуқий, ижтимоий-сиёсий, со-циал-иқтисодий адабиётлар)ни ФЖШМҚМИга бепул тақдим этсин.

6. Ўзбекистон алоқа ва ахборотлаштириш агентлиги Ахборот-комму-никация технологияларини ривожлантириш жамғармаси маблағлари ҳисо-бидан:

ФЖШМҚМИ замонавий алоқа воситалари, шу жумладан ҳукумат те-лефони ҳамда Институт ва унинг ҳудудий бўлимлари кенг қамровли Интер-нет тармоғи билан жиҳозланишини;

ФЖШМҚМИнинг ахборот-коммуникация тизими модернизация қили-нишини, Институтнинг маънавий-маърифий фаолиятига замонавий ахбо-рот воситалари ва технологиялари жорий этилишини, унинг ҳудудий бўлимлари зарур компьютер техникалари билан жиҳозланишини таъмин-ласин.

9. Ушбу қарорнинг ижросини назорат қилиш Ўзбекистон Республика-

* 3-илова рус тилидаги матнда берилган.

сининг Бош вазири Ш. Мирзиёев ва Ўзбекистон Республикаси Президентининг Давлат маслаҳатчиси М. Раҳмонкулов зиммасига юклансин.

**Ўзбекистон Республикаси
Президенти**

И. КАРИМОВ

Тошкент ш.,
2011 йил 12 июль,
ПҚ-1576-сон